

ᾠωυλό Gyankpapwá Paulo Lówanlín Sísí Timoteo

Itsiáha

¹⁻² Mí Paulo ání aní Nkpa ᾠhópw Bulu mva Kristo Yesuá aní ansí dun mvsu lóbwε mí sumbí ᾠᾠpú, dé ᾠωυλό ání wanlín sísí fú Timoteo ání fúgyi mí bí onutó Yesu hóggyi amutó.

Aní Sí Bulu mva aní Wíε Kristo Yesu bgyíi fu buale, abuwun fu nwe ha fú iwilwii.

Afunu Atosunáhé

³ Bréá ndenatí nᾠyó Makedonia nsáuntó á, nεbláa fu mbéε, futsía Efeso ᾠmátó, afuka ahá ámúb bude afunu ató suná ámv itin. ⁴ Mú ᾠma a, da amú olá abusi bré yintá há ᾠtewa pú anáin ilíntó kláa tintíúntín. Nwéngyí keke itópba. Itamahá ahá abutsia nkpa Bulu hóggyitó. ⁵ Tóá svá aniaa fvkáa amú itin gyí, alá Okristoyin okugyíoku ᾠbódwe mv ba, mv klvn méεha mv ipón, obénya agywun wankláán mva hóggyi onutó. ⁶ Aku bumobuo alí ᾠkpa ání. Mú sv bafwí yó bude asún ání ima así blí. ⁷ Budekléá bóbwe Mose mbla asunápó, táme bumedé itó ámúb budesuná ámv así nu. Ide amú bwe fé buyin mú, táme bumeyín mó.

⁸ Anyin ání mbla ámv bu alé, ní bᾠpúsúná ató ᾠkpa wankláánsú. ⁹ Táme iwánki aní ání megyí yilé abwepú sv Bulu lówa mbla ámv. Mboún ahá ání butamagyi músú, ahá ání amú asutó bu amú ᾠnlun, ahá ání butamanyá mv ifú, lakpan abwepú, ahá ání amú iwí métin, ahá ání butᾠkpóí Bulu, ahá ání butᾠmó amú akwíupó pú aha bambá, ¹⁰ mbua atópú, ayin ání butekle amú aba ayin pú atsiá butekle amú aba atsi, anyánkpúsa ibiá agyíupó, afunupu, ahá ání beká ntam butamagyi músú pú tsiátóá imekanáa atosunáhé

wankláán ámúb ¹¹ Bulu Onumnyampv, ikanfú gyi mu kle amu lópuhá mí òbée, ndáa mú òkan amu.

Bulu Paulo Bvaleyí

¹² Nedá aní Wíe Kristo Yesu ipán ání alawá mí òwunlín, bú mí ònòkwalupu òbée, nyóò agyómá ánfí pvsun mu. ¹³ Teki míteblí mu iwí asvn laláhe, ntedínká mu ahásv, sópa amó ní. Táme olowun mi nwe, tsúfè mmòhò mu gyi ali bré ámútò, mmeyín tóá ndebwe é. ¹⁴ Óo, hie kí aliá òhíé òbò awítòle! Òleha mí nenyá mu hóggyi pò muv mí abadweá ibv ania Kristonyò ikulebwetò. ¹⁵ Asón ánfí ibv mútò, ilehián ání òhagyíòha òbòhò músú gyí. Múgyí, Kristo Yesu léba òyítò bele lakpan abwepò. Mígyí amútò òlaláhe ni. ¹⁶ Táme ínì sv Bulu lówun mi nwe, há Kristo Yesu léle mí ánfí ngyi lakpan òbwepò kpònkpònkpònti ánfí ní. Méni òhagyíòha òbébi ání Bulu telié nyá klvn há òhá ání òbéba bòhò mu gyi, nyá nkpa ání itamatá. ¹⁷ Mliha awa Bulu numnyam, akanfu mu aniaa, “Fúgyí Owíéá fú iwíegyi tamamó ònó. Bulu òkòkónú òkule, butamapú ansíbi wun fu. Fubv unv bré féé, futamawú! Amen.”

¹⁸ Mí bí Timoteo, ató ámúb Bulu léle súná tsú fú iwí ámu só nde mbla ánfí wa há fú. Pv asón ánfí yò agyómá, afupkò atosunáhé wankláán ámu nwunsu. ¹⁹ Kíta fú hóggyitò. Bwe tóá fuyin fú kluntò ání ibv alé, tsúfè aku babwé tóá buyin ání uma ale. Mú sv ilahá amú hóggyi lawú. ²⁰ Amútò aku gyí Himeneo muv Aleksandro. Napú amú wá Òbunsám ibitò. Òbiti amú isv, méni bébiá mehián ání féblí Bulu iwí abususu.

2

Bulusúm Mbla

¹ Itóá ndedunká ání mligyánkpa bwe gyí, mlikokoli Bulu ahá féé nwunsu, amlibò mpái ha amú. Mlikoli Bulu ató há amú, amlida mu ipán òhagyíòha nwunsu. ² Ilehián ání

mlóbbwe mú alí há awíe pú ahande é, méni asuto bólwií ani, abétsiá iwílwíito, atali sum Bulu okpágiokpasu. ³ Íni búv alé, ani Nkpa Okhópu Bulu tekle ni. ⁴ Tsúfée odekléá okóhó ahá fée nkpa, méni bébi okwakali amu. ⁵ Bulu okukúnú okule bu inu. Nsiné okapú okule pé é bu Bulu mua anyánkpusa nsiné. Múgyí Kristo Yesu, ogyi nyankpusa amu. ⁶ Mulési mu nkpa há púhó ahá fée nkpa. Asún áni Bulu lópuhá oyi fée mú bré wankláántó ni. ⁷ Okwakali nde mli bláa, mmedé afunu wa. Íni sù Bulu léle mí okéé, mbwée mu asún okan okapú, mu sumbí okopú pú osunápú ha ahá áni bumegyí Yudafó, mí ambla amú okwakali asún tsú Yesusu hógyi iwí ní.

⁸ Ndekléá okpasua kugyíkuto á, ayin áni amú iwí letin butsúu ibi fua bó mpái. Okló ntée nwéengyí mátsiá amútó. ⁹ Atsi ámu é budída tati okpa wankláánsó. Amú ato didáhé máwo ansíbi. Bumádun imi bwe, wá sika ató, didá atatiá ibi ibiá dibi. ¹⁰ Atsiá beé butenyá Bulu ifú bubwée yilé. Mú okéha bówa akíle ni. ¹¹ Ilehían áni bétsiá asi díín, ba iwiasí súan ató. ¹² Mmókúhá atsi okpa mbée, busúna ayin ató, ntée bugyí ayinsu. Mboún butsiá díín. ¹³ Tsúfée Adam Bulu légyankpá bwé asa okobwe Hawa. ¹⁴ Megyí Adam é Satan lémlé, mboún Hawa okemlé, okokusú líi Bulu mblasu. ¹⁵ Táme Bulu okóhó oki nkpa tsun ikwíusu.* Ní oketalí kítá mu hógyi pú mu abadweto, okéha mu iwí letin, oketsiá nkpa é wankláán.

3

Okpasua Okhande Bwe

¹ Asún áni bu mútót. Ní okha okwé agywun áni móbbwe okpasua okhande a, alakle agyúma wankláán. ² Imehían áni oklala bétsiá okpasua okhande iwí. Okwée oká okule oksiápu,

* ^{2:15} Tsun ikwíusu, ntée Tsun mu abi kwíhésu. Idesuná áni Tsun okiá oki ámu okókwíusu, ntée tsun Yesu ikwíusu.

mu agywuntɔ da, otegyi iwisu, obú bu musu, ɔtɔhɔ afɔ́, otosúná ató é wankláán. ³ Ɖmábwe nta ɔburú ntée ɔhá ání ɔbu iyin. Ɖbwée ɔhá ání ɔleba iwiasi, mu asún lolwií. Ɖmábwe ɔtrépu, ɔmábwe kóba ɔdwepu. ⁴ Ɖbwée ɔhá ání ɔteki mu wóyísú wankláán, mu abí beba iwiasi, butobú mu ɔkpagyíɔkpasu. ⁵ Tsúfé ní ɔha méyín mu wóyísú ki wankláán á, nkáli ɔbétalí ki Bulu ɔpasua ámusu? ⁶ Ɖmábwe ɔhá ání ɔledamlí kluntɔ makúwá ɔpá. Ní megyí alí á, ibéha mu obótsu iwi, Bulu ɔbébití mu isu fé Ɖbunsám. ⁷ Íni féé ɔma a, ilehián ání ahá ání buma ɔpasua ámutɔ kúráá bétí mu idayilé. Ní megyí alí á, ɔbékpa wíé Ɖbunsám yibito súpa.

Ɖpasua Ɖhande Ɖbuápu

⁸ Ɖpasua ɔhande ɔbuápu é ɔbwée ɔhá ání obú bu musu, ɔma nnonyo, ɔtamabú ntá, ɔma sika ɔnsípe. ⁹ Ilehián ání ɔbékitá hógyi asún ámutú ulalin ɔwan ámutɔ wankláán, mu klun é méetrá ha mu ipón. ¹⁰ Mligyankpa pu agyómá iku wa mu ibito, pusu mu ki beɛ ɔlala ma mu iwi, asa amliha mu ɔbwe ɔpasua ɔhande ɔbuápu. ¹¹ Alí kén mu ka* é ɔbwée ɔtsiá obú bu musu, ɔtamabí ahá iwi asun laláhe, otegyi iwisu, ɔbu ɔnɔkwali tógyítótó ni. ¹² Ɖpasua ɔhande ɔbuápu ɔbwée ɔka ɔkule ɔtsiápu, ɔtetálí ki mu abí pu mu wóyísú wankláán. ¹³ Ahá butobú ɔpasua ɔhande ɔbuápu ání ɔtɔyó mu agyómá wankláán. Itehá mu ɔtetálí tói tsú mu hógyiá ɔbu Kristo Yesutɔ.

Asun Ɖáinhé Kpɔnkpɔnkpɔnti

¹⁴ Nde ɔwolú ánfí wanlín sísí fú, táme ndin ansí ání nókɔsí ba un. ¹⁵ Mómú ní nde ɔpá wa kúráá á, ɔwolú ánfí ibéha fébi tsiátó oduá ilehián ání ɔha obétsiá Bulu wóyí, igyi Bulu Ɖkiankpa pu ɔpasua ámutɔ. Ɖpasua ámu gyí ɔtan pu ntswiasi kpékplékpée há ɔnɔkwali asún ámu

* 3:11 MU ka ntée ɔpasua ɔhande ɔbuápu tsíhé

ni. ¹⁶ Ɖnɔkwali, anɪ Bulusúm iwɪ asún á múb ɪlalun ɔwan ámu lómoní. Múgyí,
 Kristo† léle mu iwɪ súná fé nyankpɔsa.
 Ɖɛ Wankíhé léle mu suná ání yilé ɔwɛpú ogyi.
 Bulu-abɔpɔ bowun mu,
 ahá bɛda mu asún ɔkan súná ɔmá féé.
 Ɖyító ahá bɔhɔ mu gyi,
 Bulu lótsu mu ya ɔsúsú numnyamto.

4

Afunu Ató Asunápú

¹ Ɖɛ Wankíhé amv lahíé lé blí ɔbée, bré tráhe amto á, aku bési Kristosv hógyi. Béyaa asv nú afunu ɔhé asún pú ɔɛ laláhe atosunáhé. ² Apinabwebí abwepú afunu ató asunápú anfi bɔgyi. Amú klɔn tamatráa ha amó ipón.*
³ Amódé ahá hɛ bɛɛ, bukísi atogyihɛ kv, bumátsiá aká múa akúlu é ní. Táme Bulu onutó lóbwe atogyihɛ amv, ání ahógyipwá babí ɔnɔkwali amv budáa mu ipán, abɔgyi.
⁴ Tógyítóá Bulu léle bv alé. Mú sv uma aléá abékisí kv. Ilehíán ání abóhɔ kugyíkv, dá mu ipán. ⁵ Tsúfé Bulu asún pú mpái á múb anɪlabó wólí atogyihɛ amvsv ámu lahá mú lamlí Bulu klé.

Kristo Osúmpú Wankláán

⁶ Ní fɔpú asún ánfɪ tswɪ apíó ámu ansító á, fóbwe Kristo Yesu osúmbi wankláán ání bapú hógyi amto asún, pú atosunáhé wankláán ámu búlá fɔ, fude mútó. ⁷ Máyaa asv nú atsv dehen ɔɛ pú múá imotsú Bulu iwɪ. Mboún hɛ fú iwɪ, afvsum Bulu wankláán. ⁸ Tsúfé ní fúde nyankpɔsa ɔyɪlɔv anfi hɛ á, labi kpalobí kv bv mútó. Táme ní fɔpú Bulusúm híé fú iwɪ á, ɪbv alé dun. Tsúfé oyúla bv mútó

† 3:16 Bulu bv nwulú dada amv akuto. * 4:2 Amú klɔn labwé fé tóá bapú dátɔ wá ogyá, lé tó mú.

há aní séi ánfí anutsie nkpa, pú nkpa ámúú íbéba amvto. ⁹ Asún ánfí bu mótó, ilehián ání abóhə mú. ¹⁰ (Nkpa ánfí sù anidé iwí laláa yə agyómá əwunlínú), aní ansí dun Bulu ɔkiankpavv, ogyi ahá fée ɔlepú, títriu ahógyipv anfisv ní.

¹¹ Suna amú ató ánfí, afvha amú abugyi mósú. ¹² Máha əhaa obu fú kebi. Mboún fú tóitə, fú nkpatsiátó, fú ahádwe, fú Bulu hógyi pú fú iwítín íbwée atosuanhə ha amó. ¹³ Ní mlefia a, bə mbódí afutsia kla Bulu asún suna amó. Da asún ámv ɔkan, afvsuna amó ató alu yófun bréá néba. ¹⁴ Mákíná Bulu atokiehé ámúú ɔlɔpuhá fú tsun mv ɔnósú atáípúsv, bréá ɔpasua ahandə bəpv íbí dínká fósú amv. ¹⁵ Tsia bwe íni aná, afvsi iwí ha mú, méní ahá bówun ání fúde nkpa yə. ¹⁶ Tsia kí fú tsiátó pú atosunáhé amv. Tomi bwe mú alí, méní fóhə fúa asún ámv anupó nkpa.

5

Tóá Abóbwe Há Ahógyipv

¹ Mákplvn wa oyin dehen. Mboún tɔi bla mv asún fə fú sí. Kíta nyasubi ámv fə alíá fékutá fú apio yinhé. ² Kíta atsi dehen amv fə fú yín, afvkíta mbitebí ámv é fə fú apio tsihé. Máwa amó mba.

³ ɔpasua ámv bukú asvrapv́á buhíé buma əbvápúsv. ⁴ Táme ní ɔsvrapv ɔku bu abí ntée aná á, ha amó abvbi tóá ilehián ání bégvankpá bwé há amó akwúpú ntée amó aná Bulusúm ɔkpasv, pvka amó akə. Mógyí amósú kí, tsúfə mútegyi Bulu ansí ní. ⁵ ɔsvrapv́á əhíé əma əhaa təpú ansí dínká Bulusv, tsíá bə mpái ɔpa onyé, kúlí Bulu tóá íde mv hián. ⁶ ɔsvrapv́á mv kle gyí nkpagyí kotóó mú lawú asa əna ɔyító. ⁷ Bla ɔpasua ámv asún ánfí, méní əhaa méəblí ɔsvrapv ɔkuku iwí asvn laláhe. ⁸ Ní ɔku mékí mv abusuanfósv, títriu mv wóyító ahásv á, múmú aladámí əma há hógyi amv. Íni sv mv lakpan dun əhá ání əməhə Bulu gyi.

⁹ Ɔsɔrapu oduá mu idá bétsiá asɔrapu adá ɔwɔlúto gyí, ɔsɔrapuá alahɔ tsú nfí aduesie púya, ɔlɔwa ɔnɔkwali há mu kulu.* ¹⁰ Ɖbweé ɔhá ání ahá buyin ání ɔlɔbwe yilé, fé abísúki, afóhɔ, olosúm Bulu ahá,[†] ɔtɔbúba ahá ání buɔe iwɔsɔn wúun, ɔlɔbwe agyómá wankláán kugyíku.

¹¹ Máwanlín asɔrapuá bumɔkúdan adá wá ɔwɔlú ámutɔ, tsúfé ní amú ɔwólí ihá amú bɔbwe agywun ání bélatsiá akúlu a, buméetrá talí súm Kristo ɔnɔkwaliɔ. ¹² Íni íbéha bégyi pón, tsúfé batón amú ntam ání beka há Bulu. ¹³ Ɖma a, butebí ɔwɔlyɔ wa, yíntá bré náti kí ahá wóyító. Megyí ɔwɔlyɔ wɔle, butemlí ahá iwí asún ablípú, náti wá ɔnó ahá asóntó, blí asún ání imehián ání bébli. ¹⁴ Íni su ndekléá asɔrapu amúb bumɔkúdan amu buwúna tsia akúlu kwu abí, abuki amú wóyísú, méni bumééha aní alupú[‡] ɔkpa abubli aní iwí asun laláhe kɔku. ¹⁵ Nde asún ántí blí, tsúfé asɔrapu aku badámlí yó bubuo Ɖbunsám dodo. ¹⁶ Ní Okristoyintse ɔku bu asɔrapu mu abusuantɔ á, ɔkí amúsú. Ɖmási amú tswi ɔpasua ámusu, méni ɔpasua ámu bénya ɔkpa kí amúá buma ɔhaasu.

¹⁷ Ílehián ání ɔpasua ámu béka ɔpasua ahandeá buɔe amú kpa ako wankláán, wá amú numnyam. Títriu amúá butɔbó mbódí Bulu asún ámu ɔkanda pú mú suná iwí. ¹⁸ Tsúfé Bulu asun wanlínhé amu íleblí ɔbéé, “Butamawá ɔnantswieá ɔɔe ayó da ɔnó íkan.”[§] Íletrá blí ɔbéé, “Agyómá ɔyɔpú buteká íkɔ.” ¹⁹ Ní ɔku ɔdá ɔpasua ɔhande asún súná fú á, máhɔ mú, nkéti fanú mú tsú ahá abanyó-abasá ɔnó asa. ²⁰ Wa iyun wa ɔhande ámutɔ ɔɔe laláhe bwe ámu ɔpasua ámu ansító, méni atráhe bénya ífú.

²¹ Nlí Bulu mu Kristo Yesu pú Bulu-abɔpu ání alalé

* ^{5:9} Ɖsɔrapuá ɔmɔkúkiná okúlu kí. † ^{5:10} olosúm Bulu ahá ntéé ɔtɔfwí ahógyipu ayabiasí. ‡ ^{5:14} Ntéé olupú § ^{5:18} Deut. 25:4. Mú así gyí, “Butamalé ɔkwén pú íbɔ tsítsi ɔwɔlúto.”

ansító, nde fú hie mbée, fuyí asún ánfisu wankláán. Mákí ðhaa ansító ntée fúfí futáto ki. ²² Mákósi tsíá yáí ðha ðpasua ðhande. Máwa ibi ðha bambá lalaheweto. Ha fú iwí itun brégyíbré.

²³ Fú ðmététo uló ámu sv mátsiá nu ntsu wule, tsia nu ntá kpalobí-kpalobí.

²⁴ Aku lakpan meñaín. Mú sv butókósi wun mú bítí amú isv. Aku klé é leñaín, ðma asa itelun ðwan. ²⁵ Alí kén yilébwe tamarjaín ní. Ní umókósi lun ðwan kúráá á, itebelun ðwan ðma.

6

¹ Ilehían ání nkpábiá bubu ðpasua ámutò béhie bú amú awíe, méni ðhaa móokpóí Bulu mua aní atosunáhé amv.

² Ilehían ání amúá amú awíe bubu ðpasua ámutò bóbu amú awíe amv ðvn. Séi kúráá ilehían ání bóbu amú ðvn ni, tsúfé ahógyipv bugyi, butòdwé amú é.

Afunu Atosunáhé Pú Atonyahé Onutó

Íni aná gyí tóá fusúna amú, afowa amú ateto-onlun abubwe ní. ³ Ní ðku lósuná ato laláhe kv, móa aní Wíe Yesu Kristo asvn blíhé pú Bulusúm atosunáhé amv umená á, ⁴ idesuná ání ðhá ámu dé iwí tsu. Omeyín tòto, nwéenkpanyí labúlá mutò. Múá itedáli tsu mútó gyí ðnsípe, itré, isia pú agywun laláhe. ⁵ Asún ání imedéhián iwí nwéen ahá ánfí odu butenátí gyí. Amú agywun lawú, butamablí ðòkwalí. Amú odu butosúsu ání Bulusúm igyi ðkpa kvá fòtsun músú nyá iwí.

⁶ Labi kponkponti bu Bulusúmtó ní tóá aníbu yaí legyi aní ansí. ⁷ Tsúfé anímópv tòto ba ðyító, aníméetalí pú tòtòto é nátí. ⁸ Mú sv ní aníbu atogyihe pú ato didáhé a, mliha mú kpán igyi aní ansí. ⁹ Ahá ání butekleá bunyáa ató á, ibwébwéébwé butekpá wíe isóki pú ayibito. Amú mimlála tekpá amú yówie iwəsun móa lalaheto, hí amú. ¹⁰ Tsúfé kóbadwe tópv laláhe kugyíku ba. Mú ðma aku

bagya alu, bafwí dalí hógýi amutò, ilahá amú bude awireho tsòtsòòtsò gyí ní.

Paulo Asún Tráhe

¹¹ Timoteo, fú mú á, Bulu òha fugyi. Mú sv ha íni aná iwa ifò fú wá. Hie fú iwi, afubwe tóá ida òkpa. Bò mbódí afuha yilébwe, Bulusúm, hógýi, òdwe, klunya pú iwiasbá itsía fútó. ¹² Kò hógýi ikó wankláán ámu. Fú ibi béda nkpa ámúbú itamatá, Bulu obékie aní mú òma amv. Nkpa ánfí sù Bulu létí fú ní. Mú sv fobwíí ònó ahá tsòtsòòtsò ansító, gyí fú hógýi iwi adánsie ní. ¹³ Nlí Bulu, ogyi tógýító nkpa òhapú mva Kristo Yesuá olegyi iwi adánsie wankláán Pontio Pilato ansító, nde fú hie, ¹⁴ mbéé, fókíta mbla ánfí féétó wankláán. Mási mútò kpéfòn ekeá aní Wíe Yesu Kristo òbéle iwi òwan. ¹⁵ Bulu òkukúnú òkule amv ilehián aní abékanfó. Mu nkule pé gyí Otúmípu, awíe féétó Owíe. Mu òbéle Kristo súná bré wankláán ámúbú mu onutó òlehiye yáí ámutò. ¹⁶ Mu nkule pé tamawú, otsie òwankíkpa aní òhaa tamatálí kpòkpé mánta mu. Òhaa mókówun mu kí, òhaa móowun mu é ekekekeke. Mu kle gyí obú múa túmi bré féeé! Amen!

¹⁷ Bla òyí ánfutò iwi anyapú fee, bumátsu iwi. Bumápu ansí dínká kóba anfi íméetsiá yó ánfísv. Mboún bupúv ansí dínka Bulusu. Mvtehá aní tógýítóá abòpnyá ansigyí òyí ánfutò. ¹⁸ Bla amú fee, bupúv amú kóba bwe yilé, amú yilébwe imoni. Busánkí ibitò abukie ató. ¹⁹ Ní bude íni bwe á, bude atonyahé yai há bré ámúbú íbá ámu. Amú ibi béda nkpa onutó ámu.

²⁰ Timoteo, kítá itó ámúbú Bulu lahá fú ámu wankláán. Asún aní uma asi, imosuná Bulusúm mádali fú ònó. Máwa iwi mimlá nwéengyi aní itamasúná Bulusúmtó. Aku butowá afunu bee, asúnbi igyi. ²¹ Tsúfíe aku batsun músú sí Kristosu hógýi.

Bulu ogyíi mli buale.

Bulu ntam pəpwε; Nkonya
New Testament in Nkonya (GH:nko:Nkonya)

copyright © 2010 Wycliffe Bible Translators, Inc.

Language: Nkonya

Translation by: Wycliffe Bible Translators, Inc.

Nkonya

nko

Ghana

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

- You must give Attribution to the work.

- You do not sell this work for a profit.

- You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nkonya

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

- You include the above copyright and source information.

- You do not sell this work for a profit.

- You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 13 Mar 2019 from source files dated 13 Mar 2019

01b09958-fa53-51d1-aae0-88c7e9302503